

Guangjisi Minzcu Bau

ganhhau: CN45-0036 B.2014 Nd.2 Ng.12 liggaeuq gyapngux nienz ndwencieng cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3110期

Cungzcoj: Vih Byaraiz Sinhyiz Guh Senh- conz Hozdung Guh Ndaej Hoenghhwd

崇左:花山申遗宣传活动火热开展

Daj bi' gvaq 12 nyied 19 hauh daengz bineix 1 nyied 30 hauh, "Cungzcoj Si Byaraiz Vehdat vwnzva gingjvahn sinhbau seiggyaiq vwnzva yizcanj—daizheiq hung henzguk • ngoenzngoenz yienj—boq, beng, daz, ciengq 'siengj yienj mwngz couh daeuj' buek gvangjcangz vwnzyi vanjvei yienjok hozdung" youq ndaw singz Cungzcoj yienj. Neix dwg aen si neix daih' it baez baengh "daizheiq hung henzguk • ngoenzngoenz yienj" gvangjcangz vwnzyi vanjvei aen vwnzyi bingzdaiz vunzlai camgya neix gaihcanj Byaraiz sinhyiz

senhconz hozdung, doenggyaq "vunzlai camgya" daeuj hawj Byaraiz sinhyiz lai miz yingyangliz, hawj vunzlai lai cihciz.

Boq, beng, daz, ciengq 'siengj yienj mwngz couh daeuj' buek yienjok hozdung neix aeu Byaraiz sinhyiz guh cawjdaez, ciuq le gij hozdung senj vunz seizneix gig hwng de. Aen daizheiq neix hai hawj vunzlai daeuj, mboujguenj bousai mehmbwk bousgeq lwngyez cungj ndaej bauqmingz camgya. Byaujyienj yungh gij hingzsik vunzlai maij yawj gyaed dingq de

daeuj yienj, baugvat eu fwen, meijsinh, doengsug, minzcu daengj ciengqfap caeuq giyoq byaujyienj, diuqfoux, cungh siuj hagseng cienmonz "gangj gojdaez Byaraiz" daengj. Doenghboux ndawbiengz siengj youq gwnz daizheiq gvangj-cangz yienj saek baez nei, cijaeu doenggyaq bauqmingz caeuq doxdax liux ndaej senj hwnj, couh ndaej hwnj daiz bae yienj. Hozdung geizgan, aen si neix senj gizdieg vunz lai de, moix cou yienj 1 daengz 2 ciengz, gungh yienj 6 ciengz.

(Liuz Cinghveiz)



Yungzsuij: Beixnuengx Myauzcuz "Guhdoengz" Angq Gvaq Cieng Moq

融水:苗寨同胞“打同年”闹新春

2 nyied 9 hauh, Yungzsuij Myauzcuz Swciyen Liengzcai Yang Mbanj Myauzcuz Gauhgih gaihcanj "guhdoengz" caez angq hozdung, 200 lai bous "lauxdoengz" ndawsingz caeuq beixnuengx mbanj Myauzcuz doengzcae boq venz, diuq foux caijdangz, gingq laeujcaemhsim, vuenyungz gvaq cieng moq. Ndaw doz dwg sam bous bousai Myauzcuz cingq boq venz coux doenghboux "lauxdoengz" ndawsingz.

(Lungz Linzci Lungz Dauh)

Denhdwngj: Gyawj 5000 Bous Mehmbwk Saujsu Minzcu Ndaej Youq Dangdieg Hwnjban Cuxhong

天等:近5000名留守少数民族妇女就地就业创业

Bi' gvaq, Denhdwngj Yen gya-rengz guh hong hawj doenghboux mehmbwk saujsu minzcu ndaej youq dangdieg guhhong cauxhong, hawj ndaw yienh gyawj 5000 bous mehmbwk ndaej youq gyawj ranz hwnjban guhhong, ndawde doenghboux gag cauxhong de miz 625 bous.

Bi' gvaq, Denhdwngj Yen miz 13 fanh lai vunz okrog bae guh hong, doenghboux mehmbwk louz youq ranz de miz 3.6 fanh vunz, ciemq daengx yienh cungjsoq 54.8%. Vih bangcoengh doenghboux mehmbwk neix youq dangdieg hwnjban, aen yienh neix guh ndei hong dazyinx vunz daeuj roengzcienz. Bi' gvaq, doenghgij giyez haeuj Denhdwngj Gunghyez

Yenzgih de gungh miz 25 aen. Neix couh miz haujlai hong hawj dangdieg doenghboux mehmbwk youq ranz de bae guh. Doengzseiz, Denhdwngj Yen laeb 9 aen "mehmbwk doegsaw hezvei", caemhcai cingj gak loih lauxhangz daeuj dangciengz sonyinx, hawj gyoengqde lai rox lai ak baengh gohgi baenzfouq. Bi' gvaq, aen yienh neix gaenq cujciiz gaihcanj lajmbanj saedyungh gisuz beizyinbanh 26 geiz, miz 8000 lai bous nungzminz camgya. Linghvaih, Denhdwngj Yen lij cienmonz comz doenghboux mehmbwk youq ranz de okrog bae ngonzyawj hagsib, hawj gyoengqde caen hag ndaej gisuz baenzlawz dajciengx roeggap noh, noufaexcuk

daengj nem dajndaem makit, lwgbiek daengj. Caiq miz ne, Denhdwngj Yen laeb 6 aen "mehmbwk doxcoengh hezvei", hawj gyoengqde doxcoengh cauxhong, doxbang guhhong, comz rengz ok geiq maeuz, "guhndaek" cauxhong.

Cimdoiq doenghboux mehmbwk youq ranz de mbouj miz cienzgoek cauxhong, Denhdwngj Yen doenggyaq cuengq gij daigvanj iq boujdiep leihsik de, haenqrengz bang gyoengqde aeu cienzgoek cauxhong. Bi' gvaq, Denhdwngj Yen gyoepsuenq fat gij daigvanj iq boujdiep leihsik de 1167.2 fanh maenz, 600 lai bous mehmbwk lajmbanj ndaej coengh.

(Liengz Cwngzfuj)

SIUSIK DINJ

简讯

● Daj 2009 nienz daeuj, Dwz-bauj Yen gyoepsuenq fat cienz-ngaenz boujdiep gaijguh ranzyiemj daihgaiq 2 ik maenz, hawj 11850 ranz saujsu minzcu gunghzhoj souh' ik. Bi' gvaq, aen yienh neix gungh miz 2000 ranz saujsu minzcu gunghzhoj ndaej bangbouj.

(Nungz Yungjfang)

● Daj bi' gvaq daeuj, Lingz-yinz Yen Minzcuugiz cigiz hawj guekgia minzcu canjbinj giyez youhvei cwngeuz ndaej saedhengz. Daengz bi' gvaq daihsam geiqdoh, Lingzyinz Yen Cangzanh Youjhan Gunghshw daengj 10 aen giyez gungh ndaej cienzngaenz boujdiep daigvanj leihsik 424896 maenz.

(Loz Caijinz)

● Daj bi' gvaq daeuj, Nazboh Yen Cwngzsiengh Cin haenqrengz fazcanj "mbanj miz yiengh ndeu" canjyez, youq Lungdij, Yungjbingz, Dunghan, Lungnanz daengj cunh gij dieg gwnz bya ndaem gosanhdougnh. Seizneix daengx cin gyoepsuenq ndaej miz 250 moux, ciuq moix gaen 20 maenz, moux ndaej 800 gaen suenq, dan ndaem gosanhdougnh couh hawj doenghboux dajndaem gij yw neix lai sou 400 fanh maenz.

(Vangz Bizvaz Lij Siuvaz)

● Bi' gvaq, Denhdwngj Yen mizgven bumwnz doengzcae okrengz, nyinhcaen guh ndei hong sinhhingz nungzcunh hozcoz yihliuz, hawj haujlai nungzminz souh' ik. Daengz dangqnaj, aen yienh neix ceiok cienzngaenz bangbouj sinhnungzhoz gihginh 1.48 ik maenz, gungh miz 52 fanh vunz(baez) ndaej souh' ik.

(Vangz Lilanz)

● Geij ngoenz gonq, Sihlinz Yen banh ciengq go minzcu doxdax, daengx yienh 8 aen yangh(cin) gungh miz 35 bous daeuj camgya, gyoengqde yungh vah dangdieg, ciengq Dangj Cibbet Gaiq Samcung Cenzei cingsaenz, ciengq minzcu doxgiet, ndwenngoenz ndei.

(Cinz Hungzsingh)